



Vår ref:

Sak: 20/5536 JpID: 21/2617 Sbh: HSI

Dykkar ref.

Dato:

08.02.2021

Ordensreglement for grunnskulane i Stad kommune

1. Heimel

Ordensreglementet er heimla i Lov om grunnskulen og den vidaregåande opplæringa av 17.07.1998 kap. 2 - §2-9: Ordensreglement, kap. 9 - §9A: Elevane sitt skulemiljø, og forskrift til opplæringslova av 01.08.2020.

2. Føremål

Utifrå opplæringslova § 9A har alle elevane rett til eit trygt og godt skulemiljø som fremjar helse, trivsel og læring. Ordensreglementet inneheld reglar som tek sikte på å fremje læring, trygghet, samarbeid, trivsel, toleranse, respekt og medansvar for alle i skulesamfunnet.

3. Ordensreglane gjeld

- når elevane oppheld seg på skulen/skuleområdet i skuletida.
- på arrangement i skulen sin regi, som turar m.m.
- på skulebussen og skulevegen
- når det på fritida skjer hendingar som får konsekvensar for elevar i skulekvardagen, jf. Opplæringslova §9A.

4. Ordensreglane byggjer på vanleg skikk og bruk, og difor

- skal vi vise høfleg framferd
- skal vi snakke med kvarandre på ein positiv og fin måte
- skal vi ikkje mobbe eller på andre måtar krenke andre fysisk, psykisk, verbalt eller digitalt (Jf. handlingsplan for eit trygt og godt skulemiljø)
- skal vi henge frå oss yttertøy, lue og caps i gang/garderobe, og ta på innesko.
- skal vi følgje skulen sine retningslinjer for bruk av datautstyr
- skal mobiltelefon/anna kommunikasjonsutstyr vere avslått og oppbevarast på tilvist plass
- kan mobiltelefon brukast i undervisninga når det er gjort spesiell avtale med lærar
- er vi på skulen sitt område i skuletida

5. For å ta vare på helse og/eller unngå skade

- viser vi omsorg for og respekterer kvarandre
- kastar vi snøball berre på eige tilvist område
- brukar vi sykklar/sparkesyklar, hoverboard, rollerblades o.l. berre etter løyve og på tilvist område. Verneutstyr skal nyttast.
- tek vi ikkje med farlege gjenstandar på skulen sitt område

- set vi ikkje fram truslar eller utøver vald mot andre
- er det forbode å oppbevare eller bruke tobakk, snus eller rusmiddel
- let vi vere å ete snop eller drikke brus i skuletida (ved spesielle arrangement kan ein etter avtale ta med snop og brus)

6. For å ha det triveleg og fint saman

- har vi arbeidsro i timane
- må vi vente på tur og ta omsyn til dei andre
- må vi hjelpe kvarandre med å halde orden
- tek vi vare på skulen, materiell, leikar og utstyr
- melder du straks frå til ein tilsett viss du skulle vere så uheldig å øydelegge noko som høyrer skulen til
- går vi roleg i gangane og held ro og orden
- skal det vere ro når vi får vere inne i friminutta
- tek vi ikkje med private leikar på skulen utan løyve
- tek vi sjølve ansvar for verdisakene våre, og oppbevarer dei verken på gangen eller i garderoben på skulen/idrettshallen

7. For å få ein god skuledag

- så møter vi på skulen og til timane til fastsett tid
- er vi budde til undervisninga og har med oss skulesaker
- varslar vi om det som er ugjort eller gløymt før undervisninga tek til
- leverer vi melding/søknad ved fråvær

8. Tiltak og sakshandsaming ved brot på ordensreglementet

Eit skulesamfunn fungerer best når alle følgjer dei reglane som gjeld. Brot på ordensreglane vil få følgjer, avhengig av alvorgrad.

1. Samtale med tilsett
2. Merknad
3. Samtale, informasjon og ev. møte med føresette utifrå alvorgrad
4. Samtale med leiing/rektor
5. Forsøpling eller tilgrising vil kunne medføre at ein må vaske/rydde opp
6. Bruk av mobiltelefon utan løyve vil medføre inndraging av telefonen, og føresette vert varsla
7. Ved skadeverk på skulen sin eigedom kan elev og/eller føresette verte erstatningsansvarlege. Det same gjeld ved tap av undervisningsmateriell (jf. Lov om skadeerstatning § 1-1 og 1-2).
8. Alvorlege hendingar og skadeverk kan bli meldt til politiet.
9. På ungdomstrinnet kan karakter i orden eller åtferd verte sett ned (jf. Forskrift til opplæringslova § 3-4)
10. Ved særskilde alvorlege brot på skulen sine reglar, kan eleven bli utvist (jf. opplæringslova § 9A-11):
 - barnetrinn: enkelttimar eller ut dagen
 - ungdomstrinn: opp til tre dagar

- heimsending/bortvising frå skuletur og leirskule
11. Når omsynet til dei andre elevane tilseier det, kan ein elev i særlege tilfelle flyttast til ein annan skule, mellombels eller permanent (jf. opplæringslova §9A-12)

Skulen skal sørge for at avgjerd vert teke på eit forsvarleg grunnlag (jf. Forvaltningslova §17). Eleven skal ha fått høve til å forklare seg munnleg for den/dei som tek avgjerda. Før det blir gjort vedtak om bortvising, skal skulen ha vurdert andre tiltak. Føresette til elevar på 1.-7.trinn skal varslast før det vert sett i verk bortvising for resten av skuledagen (jf. opplæringslova §9A-11)

9. Vurdering av orden og åtferd

(jf. Forskrift til opplæringslova kap.3, § 3-4, 3-6, 3-11, 3-13, 3-16)

- Vurdering i orden og åtferd skal gjerast på bakgrunn av ordensreglementet. I vurderinga av orden og åtferd skal skulen ta omsyn til dei føresetnadane eleven har, og til at elevane får ulik støtte og hjelp i heim og nærmiljø. Det skal til vanleg ikkje leggjast avgjerande vekt på enkelthendingar, unntaket er dersom enkelthendinga er særleg klanderverdig eller grov. Gjentekne brot på ordensreglar kan føre til nedsett karakter i orden og/eller åtferd. Ved ev. fare for nedsett ordens- eller åtferdskarakter skal eleven og føresette varslast på førehand.

Når skulen vurderer orden, tek ein omsyn til ordensreglane med spesiell vekt på

- *i kva grad eleven opptrer i tråd med ordensreglementet, kjem tidnok til timar, er førebudd til opplæringa og har med nødvendige læremiddel og utstyr, tek godt vare på alt som høyrer skulen til, både inne og ute, steller pent med skulebøker og anna undervisningsmateriell, leverer arbeid til rett tid og korleis arbeidsvanane og arbeidsinnsatsen til eleven er*
- *fråvær på ungdomstrinnet kan føre til nedsett karakter i anten orden eller åtferd*

Når skulen vurderer åtferd, tek ein omsyn til ordensreglane med spesiell vekt på

- *korleis eleven oppfører seg overfor medelevar, lærarar og andre tilsette i og utanfor opplæringa t.d. i timane, friminutta, på skulevegen og arrangement i skulen sin regi som turar m.m.*
- *at eleven viser omsyn og respekt for andre*
- *andre forhold som skal takast med i vurderinga er om eleven har vore involvert i løgn, tjuveri, hærverk, fusk eller forsøk på fusk på prøver (jf. forskrift til opplæringslova § 3-33, 3-34) om reaksjonsmåtar ved fusk under eksamen)*
- *fråvær på ungdomstrinnet kan føre til nedsett karakter i anten orden eller åtferd*

10. Iverksetjing og kunngjering av ordensreglementet

- Er utarbeidd av skulane i Stad kommune og endeleg godkjent av kommunalsjef
- tek til å gjelde frå 15.02.2021
- skal gjerast kjent for elevar, føresette og tilsette ved byrjinga av kvart skuleår
- skal leggjast fram for skulen sitt samarbeidsutval kvar haust
- skal til ei kvar tid vere tilgjengeleg på skulen / kommunen si nettside

Med venleg helsing

Harald Sivertsen
kommunalsjef oppvekst og opplæring

Dokumentet er elektronisk godkjent og har derfor ingen signatur

Ver venleg å oppgje referansenummer 21/2617 dersom du tek kontakt med oss.